

陶

齋

臧

石

記

匄齋臧石記卷三十三

唐十七

劉舉墓誌有蓋

石縱橫各一尺零三分十二行行十二字至十八字不等正書

劉府君墓誌銘蓋二行正書

唐故劉府君墓誌并序

府君名舉彭城人也 曾祖臯 祖通 父良 三代並皆謂居  
績頭隱于丘陵 府君養家禮讓立性溫和內外六親皆傳人孝  
凡於四海朋友能賢何期不幸染疾累歲至於大中元年八月六  
日終於江陽縣仁風坊之私第春秋 夫人太原王氏有男

一人名師貞女一人適于王君孤男孝女泣血踰天即以八月廿一日安厝嘉甯鄉五乍村之原

府君在生壽祿而榮先造其墓逝矣冥

舉與劉通同葬於江陽縣嘉甯鄉五乍村故誌石亦同時出於茲土且同為張君丙寅所得又同歸於余蓋亦奇矣兩人之葬相距才三十餘年當係一族第一居崇儒坊一居仁風坊不同里閭耳其同為彭城人則各書其郡望也

舉祖亦名通世未各別非一人

劉元簡買地券

石長一尺二寸寬七尺九行字數不等正書

維大中元年歲次丁卯八月甲午朔廿一日甲寅□□劉元簡為

亡考□□到□□墓於定州□喜□□虞鄉暉同村於百姓高元

靜約泐六字五貫文買地壹段壹拾畝充永業□地東自□□□吳

侍御墓南自正北自靈□括約泐七字是賣地□□人高元靜約泐八

保人李□□閻如岳東至青□西至□□南至□□北至□□

上至青天□□泉□□劉□□有居者老□乃里乃羊子日

四字口買人歲月主者一□以□主人大富貴

喜上一字漫漶難辨案唐書地理志定州有安喜縣舊本鮮

虞武德四年更名據此則所泐乃安字下一字則縣字也

左衛大將軍契苾公妻何氏墓誌

石高一尺六寸廣一尺五寸七分二十四行行二十二字至二十九字不等正書

唐左衛大將軍兼御史中丞契苾公妻何氏墓誌 并序

郝坊丹延等州節度掌書記監察御史裏行韋遇撰  
夫人何氏望在廬江郡曾皇不任祖蘇州法曹參軍諱源考單于  
府兵曹參軍諱□甫其先皆有功勞代為將家門傳武略威名馳  
振人皆慕焉以是 夫人嫁得 良聲有柔順之德惠和

之性明逾片玉芳越幽蘭動有威儀克彰婦道用茲厥美合於詩  
禮故致其家肥焉 夫人乃瓊妹也自為伉儷四十餘年合心  
齊體臻於和睦閨門之內入則嘻嘻笑語怡怡梁妻是儔異婦何  
遠始至其家

契苾公乃為振武都頭權握萬餘兵致名取威往來賢士君子多

遊其門飲食必精需賚必厚雖由於大賢特達並絲內成美

也從 良夫歷數郡治家承奉之心未嘗暫替以會昌六年十

二月廿四日歿于丹州享年五十八有子十人孟曰慶郎年始十

二因戲不覺墜井而三仲曰公度歿于節度押衙兼殿中侍御史

李曰公文白 賀 兼節度押衙次曰公應見任河東

節度衙 兵馬使弟公廉 州節度 兵馬使公廡已下五人

幼小未仕不可列名皆成器時 公將赴 闕遣子護喪

歸葬押衙公文以大中元年丁卯歲十月癸巳朔二日甲午 公

之 過血之痛恨胡越之地隔死生之別離權葬于

振武軍 原之邑也至望者石不朽者文銘曰

顯顯令儀 昭昭明德 懿範端莊 溫柔克塞 生既稱賢

婦道乃全 百行咸備 四德克宣 徽音外暢 惠淋中堅

既將比玉 俄成逝川 夜臺凝月 壠樹含煙 倏為昔事

萬古千年

唐書有契苾何力及其子明傳明並有碑今在陝西咸陽縣  
完好可誦傳稱何力為鐵勒哥論易勿施莫賀可汗之孫通  
志氏族略載契苾氏九姓迴鶻匈奴苗裔後魏謂之高車亦  
曰勒勒周隋又曰鐵勒居金山之陰獨洛河北其一曰契苾  
部號榆溪州地理志榆溪州以契苾部置據此則契苾之系  
出自西蕃故史傳列之諸夷蕃將通志彙之唐朝歸化蓋契

苾氏之入中國實自何力內屬始通志並載何力曹孫演貞  
元中為河中元帥判官而李義山集有贈別前蔚州契苾使  
君詩原注云使君遠祖國初功臣則必何力之後也玩其詩  
云夜掩牙旗千帳雪朝飛羽騎一河冰又曰奕世勤王國史  
稱則其人亦必以武功嗣其家閥者觀此誌年月正與義山  
同時又稱賢士君子多遊其門然則義山贈詩之人當即此  
人矣此為其夫人墓誌詳略固應殊誌稱其曾歷數郡不必  
以無蔚州字而疑之也何力著忠勳於唐室其後累世貴顯  
史皆不載賴契苾明碑較本傳為詳得以考見諸子又安知  
千載之後此誌復出使後人重悉其子孫之盛以規其世澤



之長金石能壽不其幸與左衛大將軍正三品何力正卒於是官今可云繼美弟涼國公及賀蘭州都督皆其世職而署銜不及則別有正宗承襲故也鄜坊丹延四州乃渭北節度使所領坊州今中部縣地丹州今宜川縣地也河東節度使天寶末年置節度有掌書記銜推各一人此誌有兵馬使則百官志所不載攷天下兵馬元帥有前後中等軍兵馬使各一人節度主軍旅所屬固當同也御史中丞正四品下其屬有三院侍御史隸臺院殿中侍御史隸殿院監察御史隸察院至德後諸道使府參佐皆以御史為之謂之外臺復有檢校裏行內供奉或兼或攝今遇與公度例正如此監察御史

裏行置於龍胡元年非正官無員數殿中侍御史即高祖丞

相府察吏掾即位後乃更令名蘇州法曹刺史之屬

案蘇州非府尹

都督都護治所當為司法參軍此稱法曹蓋誤單于府兵曹大都護之屬麟德元年

改雲中都護府為單于大都護府大曆八年徙治振武軍振

武節度使乾元元年分朔方置大曆後兼領麟勝綏銀四州

及東中二受降城都頭之名惟見兵志志稱僖宗幸蜀田令

孜募神策新軍為五十四都諸都領以都將亦曰都頭其後

有都頭李筠李君實此史志可攷者但此係神策軍之制今

振武都頭乃節度所轄而建置又遠在前自不得援以為證

然同是軍官計職位當亦相等蓋軍中所設因事立名且是

差非官故百官志不載如節度使則並無品級也廬江郡漢置唐即廬州賀下自係蘭字賀蘭山在今甯夏府邊牆外唐置羈縻州當在於此

翟府君夫人墓誌銘

石高一尺四寸七分廣一尺四寸五分  
分微約二十四行行二十四字正書

唐故朝請郎行太子舍人汝南郡翟府君 故夫人 缺

堂林將仕郎試太常寺奉禮郎 缺

夫人諱婉字順美 我先祖渤海衛人也 曾祖 皇

太中大夫太子僕贈揚州大都督 祖昇 皇開府儀同三

司鳳翔隴右節度觀察處置使鳳翔尹兼御史大夫上柱國紀國

公集賢待制

父錄

皇儒林郎行鳳翔府叅軍夫人則

紀公次子都官之第二女也生稟敏慧幼聞詩禮齒年孝讓爰睦弟兄節冠柔規言成婉則居無越思動必循理曹氏誠成習在心列女傳未嘗廢手故知懿範出於天性淑質叶於坤儀迨有行于翟氏能輔佐以肥家婦德備彰內則之儀遵奉禮祀豐潔蘋藻之薦方猶洎長慶元年秋九月十四日所天傾喪未亡節昔哀毀過制畫哭帷堂如賓之禮無虧齊眉之敬同闕况以鞠育孤稚勗其義方蹈孟母之高蹤子乃成器慕敬姜之芳躅婦道事脩嗚呼仁而不福是上帝不惠于我家也久嬰心疾有增無瘳惜也聰智屈於促齡茂德歸于長夜以大中三年十一月十一日歿于京地

府鄆縣宜善鄉龐保村莊舍春秋五十有八嗣子曰虔次曰駢謀及宅地龜筮叶從以四年冬十月五日營窆於當鄉中龐村祔于

先舅先姑塋之北阡孝之終也噫虔駢等咸以泣血茹毒有繼子羔追遠慎終克全哀敬府君猶子仲莒等哀踊永慟息咽而復撫攀慕息慈踊咤而悶絕立人以痛割五情之際虔孫踰訴以叙陳緬其令範外彰何嬰內舉遂投涕抽毫而叙之銘曰

昭昭柔德大道奚塞冥不可測其一冥冥幽錄碎沉珠玉瑩不可續其二魄散魂歸白楊風悲淚零涕垂其三日往月改松茂栢夭芳徽永

在其四

右誌石缺處失去姓氏惟考渤海蓆縣為高氏郡望此其高

氏也檢新舊唐書列傳若昇若鑲皆無其名而昇之官闕已  
尊例得有傳按唐書百官志觀察處置使掌察所部善惡開  
元二年曰十道按察采訪處置使二十年曰采訪處置使乾  
元元年改曰觀察處置使是昇之官應在乾元之後百官志  
言西都東都北都鳳翔成都河中江陵興元興德府尹各一  
人又云至德後諸道使府參佐皆以御史為之或兼或攝通  
鑑唐肅宗紀北海太守賀蘭進明詣行在上命瑄以為南海  
太守兼御史大夫充嶺南節度使瑄以為攝御史大夫進明  
入謝上怪之進明因言與瑄有隙據此知唐制兼與攝有輕  
重之分胡注是時兵興方鎮重任必兼臺省長官其帶臺銜

自監察御史至御史大夫為憲銜昇官鳳翔隴右觀察處置使鳳翔尹兼御史大夫其位甚崇考之通鑑唐代宗紀廣德元年吐蕃盡取河西隴右之地乾元至廣德凡七八年而方鎮表不著此官通鑑亦無其人不免有名氏翳如之歎集賢待制制上空一格亦諸石所僅見宋敏求長安志鄠縣下云唐二十四鄉漢有長水鄉餘不傳又云宜善鄉連縣郭管陳平里此誌有宜善鄉則鄉乃唐之舊名足以取證若當鄉及龐保村中龐村長安志俱不著今特舉其可考者表而出之其餘官職並見唐志又按此誌銘詞每句用韻三句為節仿秦始皇紀刻石文亦遠有所承瑩不可績績字應作績此乃書

者之誤非撰文者之不審也

銘於素當鄉即指宜善鄉  
猶各碑稱當州當郡之例

范陽郡盧夫人墓誌銘

石高廣各一尺三寸五分十八行行二十二三四字不等正書

唐范陽郡故盧氏夫人墓誌銘并序

進士王茲譔

□ 兀積賢義以訓于迤遠規儀清標固尚于鄉黨夫人盧姓□ 范  
陽郡人開唐之盛族也曾祖恂皇絳州龍門縣令祖雲□ 部郎中  
長安縣令明州刺史父湮皇朝請郎嘉州龍遊縣令□ 陽郡路氏  
先夫人之愛女也孩幼聰智長全婦德清鏡蘭亭□ 以無妄其鑿  
燭珠翠鈿黛有以無妄其飾身令游謹損有若不□ 可□ 于君子



鷹門郡邵公禮歸仇儂夫人禮備于家光發門□□和于代先後  
匪聞夫人有二子長曰進郎次曰取郎女五人俱在室□□□□  
□五月遺疾綿歷莫瘳其神金火之刻醫餌之靈五官之□是月  
廿三日歿于壽州壽春縣五明坊之私第血愛端訴雲□□悲二  
子童窺□女未并庭室空然魂去千古夫人壽齡卅大□□□庚  
午歲□十月廿八日寔于壽春縣雋造鄉左史坊壽□之東廿里  
偏悲以陵谷乎遷在刻貞石銘曰

日光馳以瞬息 羣象動之若亡 福安久以終牡 壽熟木而  
可量 夫人貞明芳以光 泉戶斯閉芳以長 山川早寒 丘  
阜凝霜 逝流不息芳陳影成傷 歸魂□邈芳唯德之芳

右誌兩書年號而皆剝蝕惟其葬年幸於前行未存一大字  
下有庚午歲三字得知為大中四年蓋唐代以大字紀元者  
如大曆大順及武后之大足皆無庚午歲惟大中四年歲次  
庚午也龍門縣自元和後改隸河中府故地理志因之然元  
和以前則皆屬絳州其曾祖必更在前故從當時舊稱曰絳  
州龍門縣令長安係唐之京縣其令正五品郎中乃從五故  
為之不為黜明州乃開元中採訪使齊澣奏置以境有四明  
山得名嘉州屬劍南道龍遊其州治即今嘉定府樂山縣也  
范陽郡即幽州鴈門郡即代州壽春縣秦置歷代皆因之明  
既降壽州屬鳳陽府故並省壽春縣牙即互字廣韻互俗作

牙北史文苑傳序彼此好尚互有異同字本作牙而今本改  
為雅蓋因不識牙字以為雅字之左旁故加佳作雅然文義  
不如互字為順是以古本不可輕改也乃後世於古書又多  
有誤互為牙者蓋其初皆作牙以形似譌為牙則自孔穎達  
顏師古已沿其誤唐韻正辨之詳矣唐韻正並歷引古碑牙  
字相證劉貢父亦謂唐人書互為牙今此誌正作牙又一證  
也

劉繼墓誌銘

石高廣均一尺三寸三分二  
十四行行二十八字正書

有唐故成都府司錄參軍劉公墓誌銘并序

女賀前攝成都府文學徐有章撰

公諱繼字嗣卿南陽人也維大中四年五月五日歿于位金容里私第享年七十有九惜其才也雖以壽終誠同友喪其先漢景帝子中山靖王勝之後裔也曾王父問鄧州刺史王父元貞左龍武軍大將軍贈使持節都督天水郡太守考瑩鄧州內鄉縣令世襲儒風冠冕不絕 公風神高邁文武兼資立行鄉閭以孝稱勿

友以信著初解褐以 太廟室長選授漢州金堂縣主簿時謂

栖鷺枳棘處鶴雞籠斯譽雖久猶傳蜀人長慶元年再選授雅州倉曹郡以殘破倉儲籍繆以 公到任廩實額數軍伍足給

人皆仰食然由茲校課累第居上大和七年以儲資選授陵州仁

壽縣令車下之後風威不張絃歌自化政多遺愛人懷玄思開成  
六年選司以歷任清慎考稱廉平特署成都府功曹蜀風多詐姦  
吏尤甚覩 公銜鏡高懸隱欺何有大中二年帶功曹銜選授

司錄參軍聲政仍舊更多承式何期天奪其壽卧疾未幾岱宗忽  
遊吁嗟已往親朋空嘆夫人張氏故朝散大夫漢州金堂縣令賜  
緋魚袋紉元之女也稟性柔克閨門肅穆 公之喪也痛移天

之重葬慟過禮嗣子詢謀次子知溫俱以詩禮立身弓裘不墜長  
女以比年已婦有章之室和鳴數秋小女適見任彭州九隴縣主  
簿李師仲而子孫盈門誥誥之慶斯為盛歟嗣子恭承 遺孀  
以其年孟冬之月廿有八日 遷柩歸葬自西蜀拉于上都路

僅三千里 扶護無虞至十二月廿九日卜宅葬于長安縣在城西龍首御未央里祁村白帝壇西南隅三百餘步存歿禮也有章慙無玉潤之才而述 冰清之德乃無紀一銘之墓曰

英英素質玉石其心性尚道合直難邪侵時多恩賴人懷好音

德逾山重量含海深府寮承則姦吏斂襟風儀濟濟嚴毅沉沉行為人表義高士林嗚呼松方有時而折 魂飛錦浦星隕上列唯餘 芳聲千古不滅勒石荒坵用紀 仁傑

右按百官志上州刺史一人錄事參軍事一人司功參軍事一人無所謂司錄參軍功曹參軍者又云西都東都北都鳳翔成都河中江陵興元興德府尹各一人其屬有司錄參軍

又有功曹參軍據注司錄乃開元元年所改是司錄及功曹  
惟置尹之府始有此官其他州則仍曰司錄司功也檢唐書  
地理志劍南道成都府下云至德二載曰南京為府上元元  
年罷京按成都雖罷京而司錄功曹至後猶不改其號作百  
官志者皆以後起為準故府尹之名成都尚在其列至大中  
時繼猶得為京尹屬官所云帶功曹銜授司錄參軍者按司  
錄參軍正七品上功曹參軍正七品下蓋繼以署功曹升補  
司錄當初選授之時而帶其舊銜也百官志又云太廟九室  
室有長三人皆禮部奏補凡室長十年授官此誌云以太廟  
室長選授漢州金堂縣主簿意繼必為室長十年始有此選

其再選授雅州倉曹則以雅州為下都督府百官志下都督府屬有倉曹參軍所以不隨諸州名為司倉參軍也改太守為刺史在武德元年至天寶元年復改刺史為太守繼之曾祖之官刺史當在天寶之前其王父為太守則天寶之後而左龍武大將軍乃其所帶京秩使持節都督則贈階也百官志上州文學一人從八品下徐有章之攝成都府文學若依京尹例之則為從八品上繼久官於蜀其為悃悞無華之吏可以想見有章之文敘事樸實所用移天二字率指夫而言諸誌屢見聶即塔字始於漢仙人唐公房碑龍首鄉在萬年縣東一十五里長安縣西十里有白帝壇均見於宋敏求長



安志其未央里初村則不可考矣

董惟靖墓誌銘

石縱橫各一尺二寸四分共二十三行行二十四字正書

唐故隴西董氏內表弟墓誌銘 并序

外兄魯郡鄒敦愿述

董氏其先隴西人也當春秋孔聖有歎古之良史也即狐公之遠祖哉襲于漢相垂惟三餘名遂史冊列傳無代不書略而引之不復廣述 曾祖芳 祖彥擘 考諱忸並有令名於當時其行狀人物備乎家傳不可覩縷而襲 先舅母廣平宗氏出自二男弟處其季也弟諱惟靖字安衆立性恬和為人謙退交不擾雜用晦

而明運泉貨以樂業子孫崇禋宗以益景福天胡不憇年始知非  
有七歲染疾蒼而卒終嗚呼貞元十二齡丙子歲墮困敷生於江  
陽縣仁風里之私第大中六稔壬申歲當渚灘殞于江都縣贊賢  
里之寢舍也娶樂安任氏幼有婦德之口長繼移天之義晝哭聲  
咽澀淚漣而鞠育四男並天假秀異長曰宗夔恭事伯父掌握格  
律舉直措諸巨細無私繫之是賴亞男曰宗英次男曰宗興季子  
曰宗興並幹父之用譽長兄□惟竦顯居要職管內都勾友于  
急難如鵲鴿之孤翥原野飛□血淚潜然以營葬事宗夔等罹此  
苴疚悶絕哀蹄恭承饗□朝晡無闕於其年六月十九日克塋  
于先考塋側域內以□神魂焉嗚呼內外兄弟能有幾人先後

之間余亦相次恐他□地變枝淚直劈其銘曰

嗚呼董弟 先聖枝裏 洎襲于唐 甲子相繼 不聞久□

忽訃斯斃 萋萋正華 霜凋其楛 暉暉強柯 痛尔先□

余忝內外 豈不悲涕 永捐骨肉 長乖人世 龜筮茲□

可就玄壑 舊列松楸 新墳初製 四子踰天 泉扃永□

誌書三代名皆缺末畫蓋亦創見其後惟振武節度李君及李頴兩誌亦如此誌云襲于漢相垂惟三餘自指仲舒而言實則三餘之義亦出董遇事見魏志王朗傳注則亦董氏先代事也樂業二字其一當係衍文而卒二字誤倒

張再清墓誌銘

石高一尺四寸五分廣一尺五寸二分二十四行行約二十餘字行書

唐故清河張府君墓誌銘

府君諱再清字洪英清河郡人也家承冠蓋累代勲□□門從官當以其子孫後身為鈞府盡縣望仙□夙梁才也曾祖諱括祖諱興考諱□公即□□長□也公清才雅亮信義資身孝悌□□遠迹欽恭郡約泐五字保約泐四字居焉□縱逸長於放過□詠新詩訪中泐字不可計迎賓每吐飧而待友歡娛朝夕免伏園林富約泐五字不□去大中五年六月十八日不幸寢疾告終□平山泐字不計春□□十有五啖戲平空俾行脩□有□□彰泐字不計哀慟親知□伍下缺三字□冠履之歲□□彥□太泐字不計

圖儀息□六女

下缺二字

崇施自公死歿

泐字不計

無窮痛傷親

戚□公巾□蒸□□□始

泐字不計 麾□綢繆始終永備公當成

泐字不計

立

泐字不計

濟共許經幹人推白自府委感

泐字不計 人日約泐

七字

行不登接俸及

□東門□齊

泐字不計

姓高宗與□□足失

傳也有女四

泐字不計

劉氏

□女十二娘定於隴西董氏次女十

三娘

□於泐字不計

十日十四娘適於廣平程

泐字不計 其大中

六年十月廿四日卜

□於縣西北

泐字不計

山□更改年釣推於

泐字不計

曰□□□

張巨芳名不朽

上泐有中泐

道無□芳人

所傳

上泐

芳中泐

志氣芳身早

□

上泐

芳閑

中泐

平生萬古芳對

□

□

上泐

物芳

下泐

右誌磨滅殆盡成句者不過二三語既無文義可循又係行書字體大小疏密參差不倫未易審辨幸名字鄉貫及卒葬年月尚可辨識得以存其人亦幸事也

趙建遂夫人董氏王氏合祔墓銘

石高一尺四寸二分寬一尺三寸八分二十行行二十字至二十五字不等字徑五分強弱不等行書

大居易州遂城故鎮遺散副將雲麾將軍左金吾衛大將軍天水趙府君故董氏王氏二夫人合祔墓銘并序

公諱建遂即簡公後稷也以枝葉繁芳子孫浩天至於流迸然別葉上谷今為易州遂城縣人公魁梧可觀百行可遵鶴立鶴門有扶危致事之功確無傳矣 曾諱詵 祖諱爲 易州孔目官

雲公直文武俱若紀盡善文繁不書 夫人董氏雅有高行動合  
經禮閨範母儀今古無正天何惜壽餘慶禍侵以開成元年坐先  
風燭享年卅有一有子三人 長曰德行 次曰德榮 李曰德  
猷俱纒年壯孝悌傳稱衣彩 晨昏承順懷橘太原 王氏禮適  
君子有訓誨之教倏尔纏哀膏育難餌以大中六年九月而歸正  
寢享年卅有五權曆於斯良月也今以大中九年春二月十七日  
遭祔於州東南五里舊墳禮也 嗚呼 存君六十有一与

夫人等冥冥大夜寂寂長空異教生居歿葬同穴嗣子 德行  
能長於家治鳴咽 曾親忘軀殞地登生蒸就百金力備巨事然  
知孝行情切孝子至慮聽代遠更不以小人知少命筆紀之

詞曰

咨嗟夫人 德行難群 今祔幽緒 慟泣泉門

副使邃德 人倫規則 以道懷賢 唯公一馬

何期形影 洎此變遷 永傷乎 墳土於燕

右墓誌趙君揭銜易州遂城故鎮遏散副將鎮遏將之名號  
唐官名有鎮遏使新書周寶傳張郁走海陵依鎮遏使高霸  
劉巨容傳龐勛之反自拔歸授埔橋鎮遏使匡凝傳朱全忠  
之敗清口凝與奉國節度使崔洪河東李克用淮南楊行密  
約合兵攻全忠會方城鎮遏使度軫奔全忠發其謀按鎮遏  
使不見於百官志鎮遏散副將當即鎮遏使之屬官四川大



足縣唐韋君靖碑下列名銜有鎮遏使十二人鎮遏將五人鎮遏上有安溪及雲門義軍永川界義軍凌雲寨義軍進雲寨都圍練義軍各字樣又有安溪鎮副將疑即鎮遏副將不言遏眉文耳又有節度散兵馬使左廂散副將凡曰散者與武散官之散同今謂之額外也誌云趙君即簡公後裔簡公即趙簡子鞅又云權厝於斯良月也古稱十月為良月上云九月而歸正寢故於十月而權厝左傳公父定叔出奔衛三年而復之以十月入曰良月也就盈數焉歐陽修謨延福宮開啓密詞寒律正時適臨於良月 又按鎮遏使之名見唐李肇國史補開元已後使職名號益廣在朝有太清宮太微

宮度支鹽鐵轉運知院閑廢左右巡察監察館驛等使監倉  
監庫左右街外任則節度觀察諸軍押番防禦團練經略鎮  
遏招討榷鹽水陸運營田給納監牧長春宮有時而置者則  
大禮禮儀會盟刪定三司黜陟撫巡宣慰推覆禮會冊立弔  
祭供軍糧料和糴此其大略也

盧氏夫人墓誌銘

石高廣均一尺三寸二分二十三  
行行三十三十一字不等正書

唐故盧氏夫人墓誌銘

外孫鄉貢進士鄭嗣恭撰

誌所以紀年月也銘所以讚德行也故請述作者若不以文業

光稱則以能彰美叙事者為之嗣恭外孫也誠乃謏學不足以文  
為其於述婦道之節行事姑之仁孝式足以詳備固不敢 違命  
夫人滎陽鄭氏其先周之分姓當厲王壘統天下將封建子弟蕃  
屏王室而桓公友封於鄭其後子孫氏為鄭焉十二代祖暹事魏  
為汝陰太守至十一祖兄弟七人分為七房而歸藏公乃第五房  
也襲冠冕修舊婚至今為天下取

夫人即歸藏公之後曾祖昭遠仕至坊州長史祖暉越州長史父  
僕宣州溧陽縣尉

夫人生于 崔氏亦蟬聯之盛族及既筭之年適嗣恭

外祖范陽盧公諱子暮蓋門地之相稱重疊之舊姻不幸未暮歲

而

外祖先往後四月生嗣恭

尊夫人徽

夫人哀伉儷之年誓心守節撫育稚女虔

奉

先姑夙興夜寐以成婦道而

外祖

先君蚤尉於河南府之伊闕秩未滿而身沒家貧子

幼婦祔未及司權厝於伊闕之山莊洎

姑將亡之夕

夫人謂言僕

姑之疋得婦故鄉乃新婦之大孝亡魂之

無恨其後當昏不寐當食不味辛勤啓舉未婦故里竟合葬於鄉

原契

先姑之厥旨

夫人享年五十五以大中八年八月廿七日

沒于廬州巢縣橐臯村明年乙亥歲十一月十五日歸葬於鄭州  
滎陽縣檀山箇盧氏之先塋禮也其銘曰

節義貞固兮

等于松筠

德行芬馥兮

比于蘭薰

婦道有儀兮

襲彼家門

令嗣不續兮

悲無子孫

檀山莪二兮

帶滎川

白楊蕭三兮

葬營魂

春秋祭祀兮

託孤女

千齡万代兮

歸先墳

據誌夫人本鄭氏其女又嫁於鄭外孫嗣恭為作誌銘以夫  
人無後述其婦道之節行事姑之仁孝謂其詳備事誠有足  
多者雖其文質儻而序述不苟即廁於唐書之列女傳頗亦

無愧幸此石能載之而發於千載之後殊令讀者生感誌序  
鄭氏得姓始末及七房之分與唐書宰相世系表及元和姓  
纂略合世系表言建威將軍南陽公此言汝陰太守可補  
表所未及而世系表所登鄭氏凡數百人若昭遠暉俱祖孫  
三人俱無其名北祖之房有珣瑜餘慶覃皆為宰相此以秩  
微獨闕亦湖夫人之孝為舉其外家之憾事也誌云夫人沒  
於廬州巢縣柁村按春秋哀公十二年公會吳於柁今  
安徽廬州府巢縣東北六十里有柁柁鎮即其地大中八年  
歲在甲戌其明年為乙亥此書亥作彥顯係誤字其銘詞言  
春秋祭祀兮託孤女嗣恭此文亦可為仰承母志不得以尋

常諛墓之文例之矣

匄齋臧石記卷三十四

唐十八

李畫墓誌

石高一尺五寸六分半寬一尺五寸五分三十行行三十字字  
徑四分種正書

唐故萬年縣尉直弘文館李君墓誌銘

再從村朝議郎行殿中侍御史分司東都廣讓并書  
古人以生有湫德歿及後嗣故日積善餘慶度百斯言庾

李父程當 長慶寶曆之間謀謨於 厝堂之上輔弼

皇化紀在圖誅出領巨藩洪大懿績於家孝理於國盡忠當是時  
功德兒具与 裴晉公齊名人到于今稱之畫即其孫也為兒



童時愛玩筆硯纔年十二三通兩經書就試春官怙義如格遂擢  
第焉色無纖不喜白於師曰某於禮部見進士者所試藝亦可以  
效之願求古文搜其業且三數年異其有得師奇其言徧告諸長  
及聞於翁翁時為尚書左僕射愛尚其志撫背以勉之且戒  
曰文宜根六籍賦不事巧尔鷄鳴而起孜孜不墮業三年有成畫  
乃積學基身含章推質不四三年文成大軸賦亦剗學亮未貢為  
時輩所瞻待洎即試於春官名聲大振峴然鋒見年廿九登上第  
其明年冬以博學宏詞科為勅頭又明年春授秘書省校  
書郎今中山鄭公涯為山南西道節度時以君座主孫  
塾聞其理行願置於賓遂奏章請試本官充職未幾丁家禍

待喪於洛汭至性毀哀為親族敬三年服除大梁率

劉公八

座碑為掌書記改試協律郎每成奏記公日愈我頭風

宰相

崔公器之大中八年擢授萬年尉直弘文館方將清選以列

朝班公議叶諳諫憲為望晝立性綿密雅尚詞章常所著文成廿  
卷自目為金門小集無何嗜醇飲人有挈瓶就之者必對酌吟笑  
百無所係素業蕩空亦不為念也九年冬一旦被瘡疔雖甚痛而  
酌醴不輟竟殞芳年嗚呼埋玉沉珠穢良共歎以吾

季父

之德爾宜享遐齡紹繼

光業今也若此其如命何曾祖鵬尚

書虞部負外贈司徒王父東都留守檢校司徒贈太保皇考廓徐  
州節度使以仁惠誠信均一戎行有大刀長戟之衆換直於衙日

莫羣息不喜平施之化乘酒而訾訾勢不克弭遂避之 朝廷

以失守速為澧唐典午君乃長子也娶韋氏女為婦婦即伯舅致  
之子今牧坊州太夫人念其孝敬哭慟傷心撫視稚孫若不勝苦  
有子男六人女二人其季男曰八翁山韋氏出君字貞曜享年卅  
八嗚呼惜哉大中十年夏六月將葬於 先人之殯側其弟

和舉玄玉等泣以請銘予与和文同道者嘗有阮巷之懼遂親縷  
官序以述其三代固非文也強為銘以識之銘曰

顏子不天年 仲尼為之慟 吾家千里駒 悲

我遽大喪 嗚呼將寔 風淒蒿隤 下安玉堂 銘

于幽塚

按李晝均見舊唐書李程傳程之孫廓之子也程新舊唐書  
並有傳廓並均見程父鸞伯亦均見舊書程傳誌作鸞與傳  
異程從子庚晝弟弘舉玄玉見於誌者史並無徵據誌晝官  
至萬年縣尉直弘文館歷官祕書省校書郎協律郎舊書但  
言其登進士第而不著其官鸞官尚書虞部員外舊書亦無  
之程官東都留守檢校司徒贈太保與新書合舊書無東都  
留守贈太保之文以誌證之知新書較詳矣誌云皇考廓  
徐州節度使以仁惠誠信均一戎行有大刀長戟之衆換直  
於衙日冀羣息不喜平施之化乘酒而警警勢不克弭遂避  
之朝廷以失守連為澧唐典午按通鑑大中三年五月徐州

軍亂逐節度使李廓廓程之子也在鎮不治右補闕鄭魯上言其狀且曰臣恐新麥未登徐師必亂速命良帥救此一方上未之省徐州亂上思魯言擢為起居舍人以義成節度使盧宏止為武甯節度使武甯士卒素驕有銀刀部尤其屢逐主帥宏止至鎮都虞候胡慶方復謀作亂宏止誅之撫循其餘訓以忠義軍府由是獲安誌所云云即指此事大刀長戟之衆即所謂銀刀部也典午司馬也廓被逐後貶官司馬史略弗書作誌者為所親諱不尋不稍作迴護之筆言逐必不可故曰遂避之狀攷諸事實猶為不甚相遠則猶有古人質直之道風尚誌稱書年十二三通兩經書就試春官帖義如

格遂擢第爲新唐書選舉志唐制取士之科有秀才有明經  
有俊士有進士有明法有明字有明算有一史有三史有開  
元禮有道舉有童子而明經之別有五經有三經有二經有  
學究一經有三禮有三傳有史料書以童子試明經而帖二  
經信異才也誌又云畫以宏詞勅頭授祕書郎中山鄭公涯  
時爲山南西道節度以畫座主孫熟聞其理行奏章請試本  
官充職新唐書宰相世系表鄭涯檢校右僕射同中書門下  
平章事通鑑大中三年十二月山南西道節度使鄭涯奏取  
扶州與誌政合馮登府金石綜例謂座主二字始見唐人華  
岳廟題名

文云同送座主尚  
書赴滑臺至潼關

此誌亦有座主字可補綜例所

未前誌又云晝丁家禍持喪於洛汭服除改試協律郎宰相  
崔公器之大中八年擢授萬年尉直弘文館括通鑑大中朝  
崔氏作相者有鉉龜從二人三年四月鉉以御史大夫為中  
書侍郎同平章事四年六月龜從以戶部尚書判度支同平  
章事而龜從於五年十一月出鎮宣武是時晝在洛汭尋蒙  
賞拔則崔公為龜從無疑又晝娶韋玫之女玫無攷通鑑有  
韋琮大中元年為中書侍郎同平章事祁陽浯溪有韋瓏題  
名瓏以大中二年由桂管觀察使改太僕卿分司東都瓏又  
新唐書韋夏卿傳或即玫之兄弟行歟誌稱廓為皇考梁廷枏金石  
稱例唐處士包公夫人墓誌皇父諱隣也取皇大之誼戎仁

誦夫人劉氏墓誌稱皇妣隴西李氏皇考占皇父皇妣例同  
又云竟殞芳年唐陸氏劉夫人墓誌芳年卅有七此以芳年  
稱男子尤為罕見畫李男名八翁山亦奇

振武節度李君墓誌

石高一尺六寸二分寬一尺六寸五分半二十四行行二十四  
字至三十字不等字徑五分正書蓋高一尺三寸九分寬一尺  
三寸六分三行第一行三行行二字第二行行一字字徑二寸  
三分篆書字間及四周有花紋

李府君墓誌

蓋

唐故振武節度隨軍登仕郎試左武衛兵曹參軍上柱國李府  
君墓誌銘并序

撰并書臣篆蓋節度要籍張元贊

公諱其先隴西郡人也源流出於姜姓夏禹之苗夏漢大將軍



安之後曾諱其基曾任亳州司馬祖諱榮曾任斌寧衛前兵馬使銀青光祿大夫檢校太子詹事上柱國李公籌謀勳績銘於鼎彝咸振蕃夷名光竹帛公即是府君之第六子也公在提孩巽然秀發至於禮義忠孝明慈生而知之年及弱冠投筆從戎去寶曆初都護張公司空以公夙蘊幹能恪勤奉職補署散駮使官至大和中節度使李公僕射補充正駮使官後去開成三年中都護劉太保改署節度要籍迄今累至隨軍之職歷職歲久累任年深不可具載公即志性沉厚襟懷坦夷忠孝洽於友朋勇毅彰於軍府接下以禮居上而寬元戎以軍中宿舊早著能名嘗以嘉歎其德而貴不登於大用壽不及於期頤則天之高神之明胡為職

我我以大中十年二月中不幸寢疾終於振武軍杜母理之私弟也享年五十一知與不知無不驚歎嗚呼閻水有涯梁木其壞俄歸大夜奄謝 明時夫人劉氏父諱倫曾任振武節度衙前討擊副使適之長女溫惠慈和親族仰則就服浣濯勤儉理家有子三人長曰敬釗受職節度子弟次曰敬儒幼曰敬初在家茲教未職宦於公門嗣子等夙稟 庭闈之訓早彰孝弟之風有女一人未出於適表茹荼毀瘠過禮義龜筮叶吉痛封樹之有期即以其年十月廿四日殯於軍城正西三里平原之禮也嗣子等感 先父之舊眷見命乃為銘曰

天文著象 人文可觀 龍鵬豈易 麟角成難 陰沆

慘色 颺颺悲寒 哀人旦哭 感動山川 千秋萬歲  
蒼茫古原 輜車送往 何時復還

右墓誌撰并書底篆蓋節度要籍張元贇書底對篆蓋而言  
它誌石未經見首行未經填諱遂佚李君之名洪容齋三筆  
云碑誌之作本孝子慈孫欲以稱揚其父祖之功德播之當  
時垂之後世當直存其名字無所避隱狀自唐及本朝名人  
文集所志往往只稱君諱某字某始与求文揚名之旨不相  
契此誌缺諱不填始息息納壙偶未題刻歟抑有心從略惜  
別有在歟其曾但稱曾祖諱字竝缺末筆与軋符四年鄉貢  
學究李顯墓誌同例其父但稱官爵勲績曰李公而不名亦

例之變者誌云漢大將軍安之後攷前後兩漢書竝無大將軍李安其人唯新唐書西平懷王安傳安任隋為右領軍大將軍誌不曰隋而曰漢或撰人偶誤記歟又云曾祖諱華曾任亳州司馬按新舊唐書竝有李華傳華字遐叔趙州贊皇人開元二十三年進士擢第天寶十一載遷監察御史後貶杭州司戶參軍大厯初卒李君終於大中十年上距遐叔之卒約八十年謂遐叔即李君曾祖時代尚合唯遐叔未官亳州司馬是否仍未敢定也誌稱李君補署散駟使官充正駟使官改署節度要籍累至隨軍之職新唐書職官志節度使府院法直官要籍逐要親事各一人隨軍四人

舊書云天寶後置檢討未

見品秩通典云令使駟使官兩唐書職官志竝未見唯唐韋  
出入職如節度支使駟使官兩唐書職官志竝未見唯唐韋  
君靖碑下列名銜有節度銜前惣管充駟使官閣行溢劉珪  
文獻直賈甄見劉喜海三巴晉古志蓋當時大府板授之職  
無一定班祿史故略而弗書誌云襟懷坦夷坦即坦字少  
土旁古字通用大和四年王遜墓誌敬填威儀即敬慎是其  
證也

鄭恕已墓誌

石高一尺五寸七分寬一尺六寸一分十八行行十九字至二  
十八字不等字徑四分至七分不等正兼行書四周側互紋

唐故鄭府君墓誌銘并序

公諱恕已字恕已貫屬滎陽郡公侯之家衣冠之叙頃囑□涉艱

阻女史乱常士展流離失其本末或道世山谷或浪跡他邦乃事  
農桑便為井邑亦未藎元本哉自曾高至于祖考繼業於定州今  
家為中山人也

曾王父諱瓘

祖王父諱璘父已道高不

侍性慕山泉盤石鈎磯是為取適蘭芳芝朮以代生涯志於琴書  
流輩懸邈

公早經離乱道世潛名每思瞻家或親播植上承

貴地下引芳苗綿々將勳重々組綬嬰然繼月方藥不及大中五  
年九月廿八日終於趙母鄉之私第

故夫人平盧邨氏歿於庭

室六載于茲一女一男皆嫁皆畢晦朔不乖於羞腐且夕常候於  
溫清天也云已同婦泉戶以大中十年十一月九日合祔於庄西  
南一里平原之禮也嗣子係敷獨恨血濺棺側視之者淚流沾袂

聞之者情愴傷神日不駐於西陵生期何促死若逝川東注魂返  
無期劬勞之愛空涼昊天之恩何報罄家徒之財貨猶未申哀飾  
金翠之彫華徒為翫目是以命工刻石恐地久天長金石難期乃  
為銘曰

一去冥冥長夜臺 扃門一閉更無開 兩鈞雙兮一時歿 孤  
子咲兮淚漼漼 口言百種命無天 長短難知一事玄 花落得  
春開有日 人隨流水不歸年

誌云鄭公每思瞻家或親播植始農家者流事行鈔可備述  
瞻即瞻字漢耿勳碑以澹為瞻漢書瞻字吳仲山碑以澹為  
瞻此以瞻為瞻形聲竝近相通段也

崔坤造陀羅尼經碑

石上圓式下平連額高二尺九寸五分寬二尺四寸四十二行  
行九十一字字徑四分額二行行三字字徑二寸竝正書

佛頂尊勝之碑額

佛頂尊勝陀羅尼經序 序文不錄

佛頂尊勝陀羅尼經 經文不錄

大中十一年歲□□丑六月丁□朔十五日辛巳哀子崔坤奉  
為 □妣隴西李氏追福敬造

勾當立碑院主僧惠暉

按大中十一年歲在丁丑丑上泐字是丁字据通鑑目錄是  
年六月丁卯朔丁下泐字是卯字昔人造像刻經為亾者追



福往往竝書其父母崔坤稱為母而不及父蓋其父尚在也  
今人父亡母在稱孤子父在母亡稱哀子以崔坤稱哀子證  
之知此制自唐已狀矣

比丘尼廣惠塔銘

石高一尺八寸九分廣一尺八寸五分  
二十二行行二十八九字不等正書

唐故上都唐安寺外臨壇律大德比丘尼廣惠塔銘 并序

令狐專撰上

維像教東度秘疊南翻玄元云吾師竺軋宣尼稱西方有聖厥後  
感夢孝明漸于中國菩提達摩降及大照禪師七葉相承謂之七  
祖心印傳示為最上乘羣生以癡蓋愛網纏覆身宅不以慧炬燭

之慈航濟之即皆蹈昏溺之中迷方便之路矣於戲文殊戾止金粟來儀窮象譯之微言整龍宮之奧典即我唐安人也

大德其

大德諱廣惠俗姓韋氏漢丞相之遺祉周司空之遠孫地承華緒門藉清流靈根風殖道性天授積金翠之莫飾視葦腴而不味於是分瓶濯頂染法壞衣奉軋越之真諦識揚伽之要義賓波羅窟深入禪菁阿耨達池恒蒞戒水傍灑甘露俛導蒙塵運智慧之妙其動也雲舒曾漢了般若之性其息也月鑒澄泉帝□細徒皆以宗師敬受初法

我皇十年以名臘隆抗充外臨壇大德德弥高而身弥遜聲愈廣而志愈冲負笈執經扣剎林者請益如市無明有漏傳心印者皆

脫其綱豈謂毗城示老雪山現疾雖菩薩之善本生沒是常而金剛之威力堅持不壞以大中十三年夏五月廿六日寤然入滅報齡五十七僧臘卅八弟子性通等踰奉衣屨如將復生以其年六月十八日幢蓋香花遷座於韋曲之右嗚呼如來留影之壁石室空存舍利全身之函珠臺永闕專微眇凡品因緣甚親嘗蒙引論人天粗探真覺承筵作禮肩繞王之師子出嚙入淨同生火之蓮花追荷

法誘爰薦非詞慙非陸氏之文終謝蔡侯之健

筆銘曰

四派易染万類難化世同驚颺色如奔馬非習調御孰明般若非習能仁甯侑喜捨生既不有滅亦不空無去無未大觀體同至寶

深藏慧光不息松塔新成兮秦止北後天地不泯者惟師之德

孔立已書

右銘多用彼教中語詞旨宏贍在唐之季世能文者當樹一幟按唐以長安為上都唐會要卷十四會昌六年正月左右街功德使奏准今月五日敕書改名舊額尼寺二所法雲寺改為唐安寺崇敬寺改為唐昌寺此事亦見於通鑑二百四十八胡注所引而失載會要之名是時宣宗即位一改會昌之政故僧尼寺得修復改置胡注言僧之能持戒行者謂之大德唐之僧尼塔銘多標大德以此其文云玄元云吾師竺乾疑出

老子化胡經宣尼稱西方有聖者見列子仲尼篇孔子曰西方之人有聖者焉其云達摩降及大照禪師七葉相承謂之七祖按舊唐書方技神秀傳自釋迦相傳有衣鉢為記世相付授達摩齋衣鉢航海而來傳慧可慧可傳璨璨傳道信道信傳宏忍宏忍傳神秀慧能天下乃散傳其道謂神秀為北宗慧能為南宗神秀弟子普寂神秀奇之盡以其道授焉開元二十七年賜號為大照禪師按南宗多以慧能為六祖今世所傳皆是此以神秀為六祖乃以大照為七祖故云謂之七祖此就北宗所傳言之也文云我皇十年以名臘隆抗充外臨壇大德按通鑑大中十年敕於靈感會善二寺置戒壇

僧尼應填闕者委長老僧選擇給公憑赴兩壇受戒兩京各  
選大德十人主其事即此事廣惠蓋充戒壇外壇之大德選  
擇比丘尼者因以此署號一時以為榮焉此石後有某氏分  
書題記云道光辛卯仲春余獲此石於韋曲城南西北按咸  
甯志無唐安寺或年久湮沒未可知也某君不知此寺本法  
雲寺所改通鑑會要具存區區求之邑志其烏能知其本末  
耶錫齡案今長安有重修唐安寺碑武后長壽元年立計武  
后時重修則並不始於武后是又遠在會昌之前矣

內寺伯王夫人墓誌銘殘石

石廣一尺九寸三分左角高九寸二分  
右角高七寸七分存二十一行行書

唐故軍器使內寺伯賜紫下郡夫人王氏墓誌銘并序

銀青光祿大夫檢校太

缺

夫舉族稱官蓋製作之常意况缺下衆矣斯皆增輝圖諒稱望天下

缺下驚詞故略而不書也夫人襄門缺下慎叶窈窕之風規慕組女工

世缺下川祿氏數奇不耦夫人祿氏曰缺下罷曰漆祀之職禮不可虧

潔缺下理詠鷄鳴以求賢慕王氏弈缺下移天配德克崇婦道懿績可

缺下自漢南更命荆門歲滿入缺下老顏乖軍器常侍尋卧疾缺下

動循法則不尚繁華言必洽缺下宜家其仁賢體度蓋為外戚缺下

戶□□□□□□□□缺下川逝以大中十四年春正月缺下有五

以其年四月五日寔缺下塋禮也嗣子五人或貴金缺下翊贊德門之

盛世莫能缺下而用文誌而銘曰

青門道方園之傍

缺下

泉路永芳歌白楊

缺下

唯有松楸樹

悲風却

缺下

右誌為宦者之妻唐之宦者若高力士李輔國皆娶妻嗣子見於通鑑唐書而內寺伯霍夫人亦有墓誌傳後誌中祿氏兩見蓋即宦者之姓元和姓纂祿姓下風俗通云殷紂子武庚祿父後以王父字為氏今涇陽有此姓唐百官志內寺伯正七品下此言軍器使唐志未見志有武器署掌外戎器統於衛尉寺卿其言掌外戎器必有內掌戎器者祿氏或領此官亦未可知餘多殘缺不可推究

馬惟良夫人王氏合祔墓誌



石高寬各一尺五分十六行行十六字至二十字不等字徑四五分正書有直綫格

唐故扶風馬公故夫人太原王氏合祔墓誌銘序

公諱惟良其先扶風郡人也代繼替裾軒冕承襲名標書榮此故不迷公生而敏哲性全冲粹樂道閑居憂游不仕豈意穹蒼不祐以大中二年十月五日遘疾終於私第享年七十五夫人太原王氏性本令儀溫柔守則闡範素彰風儀不易何啻忽尔霑恙掩至潛靈咸通二年八月十五日終歿於世春秋七十有七有子二人長曰季寬任平盧軍節度副將□能孝敬耳有才能次曰季昌忽鍾天禍絕漿茹荼女二人長適徐氏次適王氏並哀踰殞絕慟哭無時至咸通三年正月七日祔葬於□州城西南約七里高元

禮也。恐陵谷之遷，故刊貞石以為銘曰：

懿哉府君，德重人倫。不苟名利，豈貪財珍。夫人之恙，

不墜採蘋。昭彰令德，和合六親。天不憖遺，俱宜哲人。

葬之龍福，榮顯千春。

誌云耳有才能耳，即互字。韓愈贈張籍詩：交驚舌耳。澹柳宗元夢歸賦：耳參差之白黑。唐均正《周禮》：牛人凡祭祀共其牛牲之互。徐音耳。又云葬於□州城西南約七里高元元，与原通本原當作本元。明祖之初，凡元字改寫作原。據此則亦非

無本矣。

錫於案北文苑傳序：彼此好高，耳有異同。本是互字，而今本誤改作惟。今詳此誌文義，則惟字為長。蓋唐人即有誤作惟者耶。

重建磁州佛殿記殘石

石高約二尺四寸許廣約一尺八寸記刻正面佛  
象下二十二行碑陰凡十七行字數不等正書

大唐咸通癸未歲磁州天缺聞圭缺廟者人海岳為壘壑缺在觀

溪谷為居獨章无導缺釋迦調御頂族金輪肉髻王缺吐溫涼之

水沐浴金軀七善缺抽一豪八方俱現鹿王苑內缺化即學者之

津橋解脫无為旦缺湛然 現金仁於漢代未滿二缺西望有此

靈峯巖危嶺峻如青缺即非南崖于今尚在貞觀十缺道化之

原再令修建當今 聖缺武缺尚書文標七步武縱六奇內缺

淡缺朝遊鳳闕夕詣龍庭績缺智 僧佛殿功德主僧

敬缺宗門以躬重為缺撫骨肉而內外咸缺軒門佐百城之守

早年慕道知畢音缺次維那孫家 白少缺樂應 韋方 王

早年慕道知畢音缺次維那孫家 白少缺樂應 韋方 王

敬缺下邑衆七十餘人或則金燈覽卷缺下宣中甸四方信士皆湊此  
山佛之下造長留什物及每年設供三千恐缺下□何者為珍好  
□金而是堅壽

咸通四載六④十八⑤缺下

碑陰

舍屋槽廠什物物缺下 堂屋五間三架 軒廊缺下 土槽四十間

築埴一百堵缺下 席薦二百副 釜二口 食米缺下 土地廟

三間三椽

邑衆七十人 王文遂 遊行雨缺下 吳實 馮元 元君則

陸少直 崔缺下 趙君則 王君義 李弘暢 雋元宗 劉缺下

張起汎

□亮

霍君汶

吳佐

王缺

馬元審

陳懷亮

曹佐

傅簡

趙缺

李審文

李忠義

曹恭

武和缺

每年助邑施利人等愆二十缺

李曙

郭升汶

柳知退

王

方缺

張君澄

張弘武

張匡岳

女弟子一十一人

王氏

王氏缺

南堂肆間各參板

梁宗約壹缺

勾堂修造功德主梁宗約缺

右石失其下截不知幾許磁州舊書地理志作磁新書作慈云本磁州天祐三年以慈磁聲一更名元和郡縣志隋開皇十年置磁州以縣西九十里有山出磁石因取為名大業二

年廢永泰元年重置以河東有慈州故此加石宋史地理志  
磁州舊名慈政和三年改作磁數說不一按隋書地理志開  
皇十年置慈州又臨水有慈石山慈皆作慈按磁石元和郡  
縣志上兩磁應本是慈傳寫者誤加石旁而磁猶從慈幸未  
改失其云加石為永泰時則與此石相合若依新書則咸通  
在天祐前不應先改為磁宋志之言又與新書有異故以元  
和志為最悉而新書宋志所據地書俱未可信也石有斷缺  
記中諸語多不瞭悉記後紀年作咸通四載六④十八⑤載  
用天寶之稱⑥⑦用武后造字初頗疑之顧氏甯人金石文  
字記引冊府元龜云文宗太和二年十月詔太后所撰十二

字並却書其本字因謂景龍以後碑誌之文固皆書其本字矣不知何以復有此詔武虛谷金石二跋又據容齋續筆唐中宗時右補闕權若訥上疏以為天地日月等字皆則天能事削之無益於溘化存之有光於孝理疏奉手制褒美此則偽撰字已復行至文宗乃見於詔始以掃除其迹耳今按此石去太和二年計三十許年尚用㊦㊧等字則武氏所云掃除其迹殆為臆斷而石記之日出不窮者又非區區諸老翁所能竟也

歸義縣魏惟儼等題名

石下截斷缺現高一尺五寸六分廣一尺三寸十四行行十六字至二十二字不等有陰並正書

魏惟儼

咸通六年巡禮

陽文俺妻李氏男左使佛公楚盧榮達妻昔氏男師簡諱

下缺

張友信弟友幹弟友遇母劉氏嫂武氏新婦郝氏于二娘

下缺

薛全近妻郭氏男行官元素張士政祖君亮盧士啟

下缺

劉自進頗文升張自潤陳宗拒母張真如心陳宗天

下缺

劉士垣劉進昌弟進德弟進用婦義縣千秋鄉劉簡

下缺

米忠憲劉文幹陶惟順兄惟正新婦高氏田自

下缺

常侍 下隨從押衙賈公佐男文恭母王氏新婦

下缺

張太弘處副張士平親事兵馬使妻趙氏男全立全

下缺

四妙德蕪十三田日南田加義胡萬興國達豐梁士雄

下缺



李存礼妻孟氏修遠高公遇高君操張知宗王建宗

下缺

傅朝用李君葵裴君約王士澄妻陳氏男弘亮弘昌新婦

下缺

郭進通 蔡行鎮 王重和李潭清母梁氏馬

下缺

曹蓮花智蔭保藏樂孝昌男君用妻樊氏王士進

下缺

歸義縣通

以下如式橫列碑額朱公佐妻李氏為一人蓋避而右行也

真鄉

李氏

朱公佐妻

四縣巡檢副將

定遠將軍

試方遠衛將

軍張君奕

韓

王金庚

吳全致

砲陰

趙万□高五娘□五娘齊二娘男全義賈如清男東方駱士澄□

百亮張從瞻馮文□甯福□湯妻田氏湯可及傅立行趙士倫

劉<sub>下</sub>李<sub>下</sub>李□劉遠武侯太簡母如意<sub>下</sub>張重男劉宗璘翟文溫

劉程遂兄□庭金友孫通士<sub>下</sub>孟<sub>下</sub>孟□邢達昌弟達初弟之武妹

十四娘盧元妻牛

下缺

朱

□方母張氏盧自□母成氏弟自棟勾

□汶王仙弘

□安改安

下缺

上入張成元母耿氏妻豐□孫忌順

妻成氏張敬言母王氏盧

下缺

□文田良晟宋千用徐師素三良

□□不德

□張達通父少

下缺

威武將軍呂師貞男全安親事兵

馬使□公建韓仲溫韓上雲女

下缺

□君晟百人將劉君□走

建弘史文昌妻鄭氏梁文弁

下缺

太□觀道士卍方反張庭方

孫季初王文簡父王君亮張志弘

□□□

下缺

婦義孫王□安男

士倫弟士端母張氏嫂陽氏妻劉氏

□男行恭李知

下缺婦義縣

李達遂妻馬氏男方邨元益女金鳳娘劉平兒

下缺

父成緝母

李氏裴可論張弘

□陽公遇陽士

□妻

□氏陽

□妻

□氏陽

□妻

□氏陽

□妻

□氏陽

□妻

□氏陽

□妻

□氏陽

□妻

□氏陽

□妻

缺劉八娘雲井用武三娘陽□娘泐公倫王元□下缺□三娘男

□□革從言張泐劉宗弁馬君下缺高□万李達武温二娘男泐

達泐君達□二泐弁張下缺

右碑兩面皆僅題名可見者男女逾二百人而初無一語記其事惟於年號下著巡禮二字竟不知為何碑也歸義縣武德五年置初屬幽州大厯後改隸涿州則咸通中固涿州屬邑也巡檢之名咸謂始於宋代故唐書百官志及通典皆不載即通考所載亦止敘宋朝建置之方是直以為宋所創設矣今此碑有四縣巡檢副將然後知自唐代已有之實可補諸書之漏通考謂宋朝巡檢或一州一縣而一置或數州數

縣而一置與此四縣巡檢其制適符是不獨其名不始於宋  
即其設官疏密亦皆沿唐舊制矣前代巡檢雖權職較今為  
重然亦聽州縣守令節制其品秩可知而定遠將軍正五品  
左驍衛將軍從三品實皆顯秩而得兼帶者蓋唐自肅代以  
後爵賞益輕官資高下絕不與職任相準如張巡領一縣兵  
其部將六人官皆開府特進其後益濫馬氏所譏為朝士僅  
僕衣金紫大將軍告身易一醉者也百官志所載王府官有  
親事府而節度使亦有親事此所謂親事兵馬使必節度使  
之屬矣薩字微缺亦似薩字案唐流外官有所謂薩寶者蓋  
主西域祆祠之官隋書則正作薩保然則此碑所書豈即薩

保官名歟迤衛當是曉衛常侍當是常侍隨蹤押衙當是隨從押衙餘如左使佛虔副疑亦職官名號第字形怪誕無從測究矣佟姓見氏族略北燕有遼東佟萬以文章知名

秘書郎李柳妻墓誌銘

石高廣均一尺四寸四分二十五行行二十七字無界格正書

唐秘書省秘書郎李君夫人宇文氏墓誌銘 并序

朝議郎秘書省秘書郎柱國李柳撰

夫人姓宇文氏初代武川人太和中遷居洛陽遂為河南人也其先曰瑞命氏周紀備詳至於尊爵顯名勲烈赫赫者則史不絕書矣高祖遠感皇任梁王掾曾祖成器皇任絳州翼城縣丞贈禮部

負外郎祖選皇任御史中丞左遷澧州刺史贈太尉父瓚見任右  
散騎常侍 常侍公娶故太子司議郎博陵崔攄女夫人年始十  
餘歲而崔夫人亡喪禮成人識者異之而又生稟直氣幼知禮法  
言必聳尊卑之聽動不假保傅之訓雍睦兄弟令族罕儔組繡奇  
工之暇獨掩身研書偷翫經籍潛學密識人不能探工五言七言  
詩詞皆雅正 常侍公每賢之為人曰是女當宜配科名人咸  
通甲申歲因丞相今宛陵 楊公媒適龐西李邴任以內事夫人  
姓鄙華飭而安儉薄時邴官守京兆府叅軍也明年邴改長安尉  
其夏轉監察御史裏行充湖南都團練判官又明年 勅拜祕  
書郎其赴職也携手同去其拜官也偕行而來又明年春夫人得

疾長安宣平里九十日啓手足而化是歲丁亥夏四月辛卯享年  
叁拾有壹

常侍公哀慟致疾其於退傷痛惜如掌失明珠  
耳由三族六姻無不泣涕如雨以其年八月壬申歸葬長安縣承  
平鄉龍首原南劉村祔 先塋禮也 有子四人女二人長曰召前  
婺州義 縣尉次曰吉前宣州溧水縣尉次曰占授滁州永陽縣  
主簿以親喪不之任幼曰同前明經柳執筆 退悼因誌于石銘

曰

夫人為女兮既孝且明

夫人為婦兮既順而貞

何善則周兮其福不并

何松之茂兮而柳之榮

無所詰問兮地幽天冥

親者泣血兮踈者涕零



謹其終始而刻斯銘

悲哉夫人兮永閔泉扃

楚封書

右李君為其夫人撰誌周書文帝紀代武川人其先出自文帝神農有葛烏菟者雄武多算略其後曰普回因狩得玉璽三紐有文曰皇帝璽普回心異之以為天授其俗謂天曰宇謂君曰文因號宇文國並以爲氏誌言因瑞命氏周紀備詳者指此宇文氏至唐不甚顯著夫人之高祖以下名並不見於唐書其外家博陵崔氏檢唐書宰相世系表崔氏博陵房亦無攢名誌言咸通甲申歲因丞相今宛陵楊公媒適隴西李郴按咸通甲申歲為唐懿宗之五年丞相楊公者楊收也

資治通鑑成通四年五月以翰林學士承旨兵部侍郎楊收  
同平章事八年冬十月以門下侍郎同平章事楊收為宣歙  
觀察使舊唐書收傳不言入相之年其罷為觀察使亦在八  
年新唐書收傳言懿宗時以中書侍郎同中書門下平章事  
知政凡五年罷為宣歙觀察使此誌作於八年而追敘五年  
之事故曰因丞相今宛陵楊公明五年收方為丞相至作誌  
時之八年已出為宣歙觀察使說此語意按其年數與新舊  
兩書及通鑑竝合唐宣歙觀察使治宣州今甯國府宣城縣  
治即漢晉之宛陵縣治也宋敏求長安志漢長安城十二城  
門東出北頭三門第一門曰宣平門庾信哀江南賦望宣平

之貴里此長安宣平里之證誌又言歸葬長安承平鄉龍首原長安志長安縣下自注云唐五十九鄉有渭陰鄉餘不傳畢氏新校正據安附國茹義忠二碑補入孝悌永平兩鄉今此承平鄉可補畢氏所未及龍首山在唐長安縣北十里長安志龍首鄉在萬年縣東一十五里又龍首渠在長安縣東北五里俱以龍首山得名唐許洛仁妻墓志銘程玄景墓志銘皆言葬於龍首原瞿理問中洛言龍首原猶言龍首鄉之原惟劉村則不可考矣婺州義烏宣州溧水滁州永陽三縣皆見唐志郴之名唐書無傳及其四子之名亦不見於宰相世系表中唐百官志秘書省秘書郎三人從六品上又從七

品下曰宣義郎又勳級十有一轉為柱國視從二品此柳之  
署銜也其餘文中官名並見唐志以與此誌無岐互處故不  
及之

右誌趙氏補寒字訪碑錄已著錄題曰王夫人字文氏墓  
志注云楚封正首夫李彬文素攝叔既誤釋柳為彬且既  
稱夫李彬文而又題曰王夫人  
尤誤之甚也其銘於附錄

### 進士某君墓誌

石右方殘缺又斜裂為二高約一尺七寸廣未詳二十四行  
阮元兩浙金石志行二十六字字徑四分正書

前  
缺之後代有其人

□  
曾祖諱豪皇

不仕王父諱旭皇任新 □  
府君諱君皇任左武衛率府

長史君實府君第四子也 □  
而上或仕或不與時昇降自晉

室東遷衣冠南隨

君之

□

因渡江而家越之

山水清秀難偕

乃祖乃宗閱是勝概卜居蕭山伯氏

仲氏官壽

相繼或

闕廷班

列或郡縣清途門風禮讓鄉里軌儀

君承

家代之休美稟夢

筆之靈異生而好學長而能文尤攻於體物舉進士亟敗於垂成

獨□名□時□推之無何風樹不靜

家禍遽鍾萬里奔喪骨立

柴毀乃□□□親箴勉之方微進粥食及禮制外除是歲將再就

鹿鳴□中□□□無微奄隨物化國喪賢良家亡令子嗚呼人

之年齡□遐□友孰主張□而不繫於善惡孝悌也詩歎淋人君

子胡不万年謂是□也以咸通十年歲次己丑四月戊子朔廿二

日己酉終于家享年四十九娶河東裴氏先府君諱懿登進士第

從事陝<sub>郊</sub>終使下員外 君之內子即員外長女也有男俞九女  
二人男未及冠長女適于鍾氏次未及笄藐爾諸孤朝不謀夕  
鵠原對此何痛如之以咸通十一年二月廿四日卜于昭玄鄉昭  
玄里社頭村之原也庠嘗射策 春闈竊在下風熟 君德聲及  
此承乏數月相從一篇一酌每至促膝無不移時歡猶未艾悲又  
聞之嗚呼哀哉天亦茫茫殲我良友 丘壠既卜執紼有期願刻樂  
石以表永別乃為銘曰 續改地在廣孝鄉延壽里社湖村之原  
也

嗚呼公都碩學鴻儒修身無玷立行不孤今其逝矣可勝歎乎  
其幾從鄉薦累敗垂成天耶命耶有德無名沒而不朽永播烈

聲其松兮桂兮風雨摧之文章事業一旦已而銘茲貞石川谷

難移其三

右墓誌藏蕭山縣王進士

宗文

家文凡二十四行正書徑四分

其前已缺二行無從得其姓氏銘詞云嗚呼公都碩學鴻儒公都殆即所銘者之字撰文者名庠其姓亦無攷惟文稱射策春闈竊在下風及比承乏數月相從蓋登進士第而官於斯者君初卜葬於昭元鄉昭元里社頭村續改地在廣孝鄉延壽里社湖村按縣志所載宋元鄉里昭名鄉下有社頭里而無昭元里夏孝鄉下有社湖里而無延壽里蓋唐宋鄉里之名隨時增省有書有不書耳志云夏孝鄉以吳夏方孝行故名則作夏字非

誤昭名未詳 兩浙金石志

右某君墓誌銘在蕭山縣余同年汪厚叔選部以拓本見贈碑  
前半已殘泐姓名不可攷稱王父諱旭皇任斬□□□□府  
君諱希皇任左武衛率府長史君實府君第四子也□□而好學  
長而能文尤攻於體物舉進士亟敗於垂成以□通十年歲次  
乙丑四月戊子朔廿二日己酉終于家銘云嗚呼公都碩學鴻  
儒公都當是其字碑不題撰人姓名誌云庠嘗射策春闈竊在  
下風未知是何姓 洪頤煊平津館讀碑記續記 按若既志作  
君今缺未知孰是祖夫人陳諸 兩誌帝作希

右墓志依兩浙金石志錄全文今缺三十八字以側寫別之

第八行夢筆九行推十行箴十二行年主張七字据今拓本



補釋第十行親阮誤清微誤徵二十行間誤聞据拓本更正

咸通佛頂塗

塗頂平圓式正中高四寸二分寬七寸一面范佛像三龕九行  
行四字字徑四分僅正書有基格

咸通十一年七月十五日造音像一尊合巳子廿八人孝父母曰  
繳衆生成同斯福共成區覺

右塗記云造音像一尊即觀世音像觀世音但稱觀音自唐  
人諱世字始此則竝觀字亦从眉耳洛陽龍門唐龍朔二年  
佛弟子弥偈造尊像一龕即世尊像避世字与此云音像例  
同

咸通佛頂塗

聖頂平圓式正中高四寸寬七寸一面范佛像三龕九行行四字字徑四分鐘正書有基格

咸通十一年七月十五日造音像一尊合邑子廿八人孝父母目  
繳衆生成同斯福共成匠覺

右聖形製寸徑文字与前聖竝同唯字較瘳秀絕精可貺年  
字眉第五画作年与前聖不同范也

咸通佛頂殘聖

殘聖高三寸八分較左方三分之一見存約寬五寸一面佛像  
三龕存二龕九行存六行行四字字徑五分鐘弱不等正書有  
基格

咸通十一年七月十五日造音像一尊合邑子廿八人孝父母  
右殘聖字徑較大點画亦稍豐重邑字不从已作邑与前兩

匄齋藏石記

卷十四

五

塗異